

Schwarz-Schilling čestitao Špiriću na izboru na funkciju predsjedavajućeg Vijeća ministara



Visoki predstavnik i specijalni predstavnik EU, Christian Schwarz-Schilling, danas je uputio pismo Nikoli Špiriću u kojem mu je čestitao na izboru na funkciju predsjedavajućeg Vijeća ministara.

“Stupate na dužnost u vrijeme koje je iznimno značajno za vašu zemlju”, g. Schwarz-Schilling je napisao u pismu. “Vi ćete biti na ključnoj poziciji da osigurate da Bosna i Hercegovina u potpunosti ispuní uslove potrebne za evro-atlantsku integraciju, kao i njene međunarodne obaveze”.

Visoki predstavnik i specijalni predstavnik EU naglasio je značaj završetka konstituiranja vlasti “da bi se omogućilo da se Vijeće ministara vrati radu na reformama i bavi suštinskim pitanjima koja su navedena u vladinom programu rada”.

“Vaša privrženost ideji napretka i ambiciozni ciljevi koje je zacrtala koaliciona vlada predstavljaju dobar početak”, piše g. Schwarz-Schilling. “Međutim, pred vama je dosta posla na implementaciji tih ciljeva, a posebno na ispunjenju uslova za potpisivanje Sporazuma o stabilizaciji i pridruživanju što je prije moguće”.

Visoki predstavnik i specijalni predstavnik EU zaključio je pismo rekavši da se raduje dobroj saradnji sa g. Špirićem i ponudivši mu podršku njegovog Ureda.